

«ТАСДИҚЛАЙМАН»
ЎЗБЕКИСТОН РЕСПУБЛИКАСИ
ЭКОЛОГИЯ ВА АТРОФ МУҲИТНИ
МУҲОФАЗА ҚИЛИШ ДАВЛАТ
ҚЎМИТАСИ РАИСИ ЎРИНБОСАРИ
ТЕНДЕР КОМИССИЯСИ РАИСИ



И. БОҚИЖОНОВ

« 10 » май 2021й.

ТЕНДЕР ТАКЛИФЛАРИНИ ТАҚДИМ ЭТИШ УЧУН СЎРОВ

ДАВЛАТ-ХУСУСИЙ ШЕРИКЛИК АСОСИДА МАИШИЙ ЧИҚИНДИЛАРНИ БОШҚАРИШ ЛОЙИХАСИ

Лойиҳа (тендер) номи:

«Жиззах вилояти Зомин ва Янгиобод туманларида қаттиқ маиший чиқиндиларни тўплаш, олиб чиқиш, саралаш ва қайта ишлаш кластер хизматларини давлат-хусусий шериклик (ДХШ) шартлари асосида бошқариш»

ДХШ объектининг жойлашуви:

Жиззах вилояти Зомин ва Янгиобод туманлари

Давлат шериги:

Жиззах вилояти ҳокимлиги

Давлат шериги:

Жиззах вилояти экология ва атроф-муҳитни муҳофаза қилиш бошқармаси

Тендер ташкилотчиси:

Ўзбекистон Республикаси экология ва атроф-муҳитни муҳофаза қилиш Давлат қўмитаси.
Манзил: 100032, Тошкент шаҳар, Мирзо Улуғбек тумани, Сайрам кучаси,
15-уй, телефон: (+99871) 207-07-70 (1072#)

Тошкент ш. - 2021 йил апрель

1. Асосий тушунчалар

1. Маиший чиқиндиларни бошқариш соҳасида давлат-хусусий шериклик лойиҳаси учун мазкур тендер ҳужжатларида қуйидаги тушунчалар қўлланилади:

- 1) **Давлат-хусусий шериклик** (кейинги ўринларида - ДХШ) – давлат шериги ва хусусий шерикнинг муайян муддатга юридик жиҳатдан расмийлаштирилган, ДХШ лойиҳасини амалга ошириш учун ўз ресурсларини бирлаштиришига асосланган ҳамкорлиги;
- 2) **ДХШ лойиҳаси** - давлат-хусусий шерикликка асосланган маиший чиқиндиларни бошқариш соҳасида кластерларни ташкил этиш бўйича ДХШ лойиҳаси;
- 3) **ДХШ лойиҳасининг концепцияси** – давлат шериги ва (ёки) хусусий ташаббускор томонидан тайёрланадиган, ДХШ лойиҳасини амалга оширишни хал этишга доир танловни асослаб берадиган, шунингдек, жалб қилинадиган инвестицияларнинг қайтарилишини таъминлаш механизмларини ўз ичига олган ҳужжат;
- 4) **ДХШ объекти** – қаттиқ маиший чиқиндиларни бошқариш соҳасида кластерларни ташкил этиш бўйича ДХШ шартлари асосида амалга ошириладиган маиший чиқиндиларни тўплаш, олиб чиқиш, саралаш ва қайта ишлаш учун инфратузилма;
- 5) **давлат шериги** – Ўзбекистон Республикаси экология ва атроф-муҳитни муҳофаза қилиш Давлат қўмитаси ва вилоят ҳокимлиги (кейинги ўринларида – давлат шериги);
- 6) **тендер** - ДХШ лойиҳаси доирасида соддалаштирилган рақобат тартибларидан фойдаланиб хусусий шерикни танлаш бўйича очик тендер;
- 7) **тендер таклифларнинг сўрови ёки тендер ҳужжатлари** – ДХШ тўғрисидаги битимни тузиш ҳуқуқи учун тендер ўтказишни тартибга солувчи тендер ҳужжатлари;
- 8) **тендер ташкилотчиси** - Ўзбекистон Республикаси экология ва атроф-муҳитни муҳофаза қилиш Давлат қўмитаси;
- 9) **тендер комиссия** - қонун ҳужжатларида белгиланган тартибда ташкил этилган маиший чиқиндиларни тўплаш, олиб чиқиш, саралаш ва қайта ишлаш соҳасида ДХШ тўғрисидаги битимни тузиш ҳуқуқи бўйича тендер ғолибини аниқлаш учун тендер комиссияси;
- 10) **мезонлар** – давлат-хусусий шериклик асосида маиший чиқиндиларни бошқариш соҳасида кластерларни ташкил этиш бўйича ДХШ лойиҳасининг тендер ҳужжатларида белгиланган тендер ғолибларни танлаш мезонлари;
- 11) **битим** – тендер ташкилотчиси томонидан тендер комиссия қарори асосида тендер ғолиби билан тузиладиган ДХШ асосида маиший чиқиндиларни бошқариш тўғрисидаги битим;
- 12) **лойиҳани баҳолаш ҳужжати** (кейинги ўринларида – ЛБХ) – лойиҳанинг қийматини ва молиялаштириш учун талаб этиладиган маблағлар ҳажмини белгилаб берувчи ҳамда асосланган энг мақбул техник-технологик ва лойиҳани амалга ошириш бўйича ташкилий қарорни қабул қилишни асословчи лойиҳа ҳужжати;
- 13) **талабгор** – ДХШ лойиҳасини амалга ошириш бўйича қизиқиш билдирган, тендерда иштирок этиш учун дастлабки малака ҳужжатларни ва тендер таклифларни тақдим этган яқка тартибдаги тадбиркор, юридик шахс ёки бир нечта тадбиркор ва юридик шахс иштирокида тузилган консорциум (оддий шерикчилик);

- 14) **тендер ғолиби** – тендер комиссиясининг қарорига асосан тендер жараёни якунлари бўйича ДХШ тўғрисида битим тузиш учун танланган талабгор (хусусий шерик);
- 15) **заҳирадаги ғолиб** – тендер комиссиясининг қарорига асосан тендер ғолибининг тендер таклифидан сўнг энг яхши тендер таклифини берган деб эътироф этилган талабгор (хусусий шерик).

2. Тендер ҳужжатларида куйидаги қисқартмалар қўлланилади:

- 1) **Агентлик** - Ўзбекистон Республикаси Молия вазирлиги ҳузуридаги давлат-хусусий шерикликни ривожлантириш агентлиги;
- 2) **Қонун** - Ўзбекистон Республикасининг 2019 йил 10 майдаги 537-сонли "Давлат-хусусий шериклик тўғрисида"ги қонуни (кейинги ўринларида – Қонун);
- 3) **Низом** - Ўзбекистон Республикаси Вазирлар Маҳкамасининг 2020 йил 26 апрелдаги 259-сонли "Давлат-хусусий шериклик лойиҳаларини амалга ошириш тартибини такомиллаштириш тўғрисида" қарорига мувофиқ тасдиқланган "Давлат-хусусий шериклик лойиҳаларини амалга ошириш тартиби тўғрисида низом" (кейинги ўринларида – Низом).

2. Умумий қоидалар

3. Мазкур тендер таклифларини тақдим этиш учун сўров (ёки тендер ҳужжатлари тўплами) Қонун ва Низомга мувофиқ ишлаб чиқилган.

4. Маиший чикиндиларни бошқариш соҳасидаги ДХШ тўғрисидаги битимни тузиш ҳуқуқига эга бўлиш учун хусусий шерикни танлаш учун мазкур сўров ҳужжати потенциал талабгорларга тендерда иштирок этиш шартлари, тартиб ва талаблари ҳақида тўлиқ маълумот бериш учун мўлжалланган.

5. Ушбу тендер ҳужжатлари тўплами умумий қиймати бир миллион АҚШ долларига қадар бўлган эквивалентдаги ДХШ лойиҳаси бўйича бир босқичли тендер ўтказиш мақсадида ҳамда умумий қиймати бир миллион АҚШ долларидан ортиқ бўлган эквивалентдаги ДХШ лойиҳаси бўйича икки босқичли тендер ўтказиш мақсадида қўлланилади.

6. Бир босқичли тендерни ўтказиш чоғида тендер иштирокчиларининг тендер ҳужжатларида кўрсатилган концептуал қарорлар ва шартлар асосида техникавий ва молиявий таклифларни камраб олган батафсил бизнес-режа кўриб чиқилади ҳамда баҳоланади. Тендерни ташкил этиш жараёнида талабгорлар билан тендер параметрлари бўйича музокаралар ўтказишга йўл қўйилади.

7. Икки босқичли тендер қуйидаги тартибда ўтказилади: а) биринчи босқичда талабгорларнинг малака ҳужжатлари кўриб чиқилади ва белгиланган малака мезонларига мослиги баҳоланади. Биринчи босқичдан муваффақиятли ўтиш учун талабгорлар камида 60 (олтмиш) балл тўплаш лозим. Талабгорлар билан тендер предметининг параметрлари бўйича музокаралар ўтказишга йўл қўйилади; б) иккинчи босқичда киритилган техникавий ва молиявий таклифлар (бизнес-режа) тендер предметининг аниқлаштирилган параметрлари ҳисобга олинган, баҳо (тариф) албатта кўрсатилган ҳолда кўриб чиқилади ҳамда баҳоланади.

8. Тендер комиссияси барча талабгорларнинг тендер таклифларини тендер талабларига номувофиқ деб топган тақдирда, тендерни бўлиб ўтмаган деб топади ва такрорий тендер ўтказишга ҳақли.

9. ДХШ лойиҳасини концепцияси тендер ҳужжатларининг **1-иловасида** келтирилган.

3. Тендер комиссияси

10. Давлат шериги Ўзбекистон Республикаси Вазирлар Маҳкамаси билан келишувга кўра давлат-хусусий шериклик тўғрисидаги битимни тузиш ҳукуки бўйича тендер ғолибини аниқлаш учун тендер комиссиясини шакллантиради (Қонуннинг 24-моддаси).

11. Тендер комиссиянинг асосий вазифалари:

- 1) тендер ҳужжатларни кўриб чиқиш ва тасдиқлаш;
- 2) зарур ҳолларда тендер ҳужжатларига ўзгартиришлар ва қўшимчалар киритиш, шу жумладан танлов таклифларини тақдим қилиш муддатини узайтириш;
- 3) потенциал талабгорлар томонидан тендер таклифларни қабул қилиш ва кўриб чиқиш, шунингдек уларнинг тендер ҳужжатларида акс эттирилган барча талабларига мувофиқлигини аниқлаш;
- 4) тендер таклифларини баҳолаш натижаларни тасдиқлаш, тендер ғолибини ва заҳирадаги ғолибини аниқлаш;
- 5) давлат шериги ва ваколатли давлат органи томонидан зарур ҳолларда тендер ғолиби билан музокаралар ўтказиш.

12. Ўз вазифаларига мувофиқ тендер комиссия куйидаги ҳуқуқларга эга:

- 1) манфаатдор давлат органлари ва ташкилотлари вакилларини комиссия мажлисларига таклиф этиш ва уларни комиссия ваколатига кирувчи масалалар бўйича тинглаш;
- 2) ДХШ лойиҳасининг муаммоли масалаларини таҳлил қилиш ва ўрганиш учун зарур бўлган мутахассислар, экспертлар ва олимларни жалб қилиш;
- 3) қонун ҳужжатларида белгиланган тартибда давлат ва бошқа ташкилотлардан комиссия вазифаларини амалга ошириш учун зарур бўлган материалларни сўраб олиш ва қабул қилиш.

13. Давлат шеригининг вакили тендер комиссияси раисидир. Ваколатли давлат органининг вакили тендер комиссияси таркибида маслаҳат овози билан иштирок этади.

14. Раис бўлмаган пайтида Комиссия раиси ўринбосари раис вазифасини унинг номидан бажаради.

15. Тендер комиссияси таркибига давлат шеригининг, Ўзбекистон Республикаси Молия вазирлигининг, Монсполияга қарши курашиш қўмитасининг ва ваколатли давлат органининг вакиллари мажбурий тартибда киритилади. Комиссия тоқ сонли аъзолардан иборат.

16. Комиссия мажлислари зарур ҳолларда ўтказилиб, унинг аъзолари умумий сонининг камида етмиш беш фоизи иштирокида ваколатли ҳисобланади, тендер комиссиясининг ҳар бир аъзоси эса бир овозга эга.

17. Комиссия аъзолари алоҳида фикирга эга бўлиш ҳуқуқига эга, агар у билдирилган бўлса, ёзма равишда баён этилиши ва комиссия баённомасига илова қилиниши керак.

18. Комиссияни қарорлари тендер комиссиясининг овоз берган аъзолари умумий сонининг оддий кўпчилик овози билан қабул қилинади. Овозлар сони тенг бўлиб қолган тақдирда тендер комиссияси раисининг овози ҳал қилувчи ҳисобланади.

19. Тендер комиссияси ўз мажлисларининг баённомаларини юритади, баённомалар унинг мажлисларда ҳозир бўлган барча аъзолари томонидан имзоланади.

20. Тендер комиссияси аъзосида мажлисга чиқарилган масалалар юзасидан манфаатлар тўқнашуви мавжуд бўлган тақдирда, у ўз номзодини қайтариб олишини билдириши ва ушбу масала бўйича овоз беришда иштирок этмаслиги керак, бу ҳақда баённомада қайд этилади.

21. Комиссиянинг тендер таклифларни кўриб чиқиш ва баҳолаш учун ишчи органи ташкил қилади. Комиссия ишчи органи ўз фаолиятини ташкилий-техник жиҳатдан қўллаб-қувватлайди.

22. Комиссия йиғилиши якунлари бўйича ишчи орган манфаатдор томонларни кўриб чиқиш натижалари тўғрисида хабардор қилади.

23. Комиссия қотиби тендер ташкилотчисининг вакили бўлиб, комиссия мажлисининг кун тартибига зарур ҳужжат ва маълумотларни тайёрлайди ва мажлис баённомасини тўзади.

24. Тендер комиссияси тендер ғолиби ва захирадаги ғолиб тўғрисидаги ахборотни давлат шериги ҳамда ваколатли давлат органининг расмий веб-сайтларида эълон қилади.

4. Тендер ҳужжатларининг таркиби

25. Маиший чикиндиларни бошқариш соҳасида ДХШ тўғрисидаги битимни тузиш ҳуқуқига эга бўладиган хусусий шерикни танлаш учун тендер ҳужжатларида қуйидагилар акс эттирилган:

- 1) тендер ҳужжатлари бўйича тушинтириш, ўзгартириш ва қўшимчалар киритиш;
- 2) тендер таклифини тайёрлаш ва тақдим қилиш талаблари;
- 3) тендер таклифига доир таъминот киритиш шартлари;
- 4) тендер таклифини амал қилиш муддати;
- 5) тендер таклифлари солинган конвертларни очиш тартиб-таомиллари, жойи, санаси ва вақти
- 6) тендерда иштирок этиш билан боғлиқ чекловлар;
- 7) тендер таклифларни очиш, кўриб чиқиш ва баҳолаш;
- 8) тендер ғолиби билан ДХШ тўғрисида битим тузиш;
- 9) Илова 1 – ДХШ лойиҳасини концепцияси;
- 10) Илова 2 – Тендер таклифнинг шакиллари;
- 11) Илова 3 – Танлов мезонлари ва баҳолаш шартлари;
- 12) Илова 4 – ДХШ тўғрисидаги битим лойиҳаси.

26. Ушбу тендер ҳужжатлари ўзбек тилида тайёрланган. Тендер таклифи ва у билан боғлиқ бўлган барча ҳужжатлар, талабгор ва тендер ташкилотчиси орасида бўлган хатлар ва муурожаатлар ўзбек тилида бўлиши лозим. Талабгорга тегишли айрим ҳужжатлар бошқа тилда бўлса, уни ўзбекча таржимаси тендер таклифига илова қилиниши керак. Ҳужжат тўғрисидаги маълумотларни шарҳлаш бўйича келишмовчиликлар юзага келса, давлат тилида ҳужжатлар устуворлик қилади.

27. Тендер эълон қилингандан сўнг унда иштирок этиш истаги мавжуд талабгорлар тендер ҳужжатларини харид қилдилар, улар тўлов асосида ҳар бир талабгорга берилади. Тендер ҳужжатини олиш учун тўлов миқдори Тендер комиссияси томонидан белгиланади. Тендер ташкилотчи томонидан талабгорлардан ахборот-маслаҳат хизматлари учун қўшимча тўлов талаб қилинишига йўл қўйилмайди.

28. Тендер ҳужжатлари учун белгиланган тўлов миқдори тўлангандан кейин тендер ташкилотчиси маҳсус яратилган интернет-ресурс (веб-портал) ёки бошқа электрон воситалар орқали талабгорларга тендер ҳужжатларининг нусхасини тақдим этади. Қоғоз шакилда тақдим этилганда, асл нусхадан нусха шаклида тақдим этилади.

29. Тендер ҳужжатларида назарда тутилган ДХШ объектининг техник кўрсаткичлари тендер таклифларни тайёрлаш ва топширишда потенциал талабгорлар учун мажбурийдир.

30. Тендер ҳужжатларида ва тендер савдоларини ўтказишда назарда тутилган шартлар ва шартлар билан боғлиқ низолар қонун талабларига мувофиқ музокаралар йўли билан ҳал этилади. Ақс ҳолда томонлар судда қонун ҳужжатлари талабларига мувофиқ низони ҳал қилиш ҳуқуқига эга.

5. Тендер ҳужжатлари буйича тушинтириш, ўзгартириш ва қўшимчалар киритиш

31. Тендер ҳужжатларини олган талабгорлар, тендер ташкилотчисига тендер ҳужжатлари таркиби ва маъноси буйича тушинтириш бериш мақсадида мурожаат қилиши мумкин, аммо эълонда кўрсатилган тендер таклифларини тақдим этиш охириги муддатидан ўн календарь кундан кечиктирилмаган ҳолда.

32. Тендер ҳужжатлари юзасидан тушунтириш олиш учун талабгорлар қуйидаги манзилга ёзма ёки оғзаки равишда мурожаат қилиши лозим: **Ўзбекистон Республикаси экология ва атроф-муҳитни муҳофаза қилиш Давлат қўмитаси. Манзил: 100032, Тошкент шаҳар, Мирзо Улуғбек тумани, Сайрам кучаси, 15-уй, телефон: (+99871) 207-07-70 (1072#), 4 қават.**

33. Тендер ташкилотчиси талабгорни тушунтириш сўровини рўйхатга олинган кундан бошлаб беш иш куни мобайнида барча талабгорга жавоб юборади.

34. Давлат шериги ваколатли давлат органи билан келишувга кўра тендер ҳужжатларига ўзгартиш ва қўшимчалар киритишга ҳақлидир. Давлат шериги тендер ҳужжатларига ўзгартиш ва (ёки) қўшимчалар киритиш тўғрисида қарор қабул қилинган кундан эътиборан беш календарь кундан кечиктирмай барча талабгорларни тендер ҳужжатларига киритилган ўзгартишлар ва (ёки) қўшимчалар ҳақида хабардор қилиши шарт. Бунда тендер таклифларидаги ушбу ўзгартишлар ва (ёки) қўшимчалар талабгорлар томонидан ҳисобга олиниши учун давлат шериги эълонда кўрсатилган тендер таклифларини тақдим этишнинг охириги муддатини ўн беш календарь кундан кам бўлмаган муддатга узайтиради.

6. Тендер таклифини тайёрлаш ва тақдим қилиш талаблари

35. Тендерда иштирок этиш учун талабгорлар тендер ҳужжатлари талабларига мувофиқ тайёрланган тендер таклифини қоғоз шаклида **1 (битта) асли нусхада ҳамда электрон кўринишда “PDF” форматда (USB флешка ёки компакт дискда)** тендер ташкилотчисига тақдим этади.

36. Талабгор тендер ҳужжатларининг **1-иловасида** келтирилган ДХШ лойихасини концепциясига асосланган ҳолда молиявий-иқтисодий модел, яъни «Бизнес-режани» ишлаб чиқиши керак ва тендер таклифини таркибида тақдим қилиш лозим. Бизнес-режа камида қуйидаги маълумотларни қамраб олиши шарт:

1) Техникавий таклиф (қисм):

- Ташаббус кўрсатилган инвестиция дастури доирасида:
 - инвестиция дастурининг амалга ошириш вақти;
 - иқтисодий, ижтимоий ва инфратузилмавий вазифаларни/муаммоларни ҳал этишга қаратилиши;
 - илғор бошқарув тажрибаси жорий этиш назарда тутилиши;
 - инновацион ёндашувни ўз ичига олганлиги ва тарафлар учун мақбул бўлиши;
 - автоматлаштирилган электрон ҳисоб-китоблар ва ҳисоботларни жорий этилиши;
 - бошқа инвестиция дастурига оид бўлган муҳим технологик масалалар ечимлари.

2) Молиявий таклиф (қисм):

- ДХШ лойиҳасини амалга ошириш билан бевосита боғлиқ бўлган капитал кўйилмалар ва жалб этиладиган қарз ва хусусий маблағлар ҳажми;
- ДХШ лойиҳасини амалга ошириш билан бевосита боғлиқ бўлган эксплуатация ва умумий харажатлар, ва уларни тақсимоти;
- ДХШ лойиҳасини даромад манбалари;
- кўрсатиладиган хизматлар учун кўзда тутилган тарифлар ва бошқа нарх-наволар;
- бошқа инвестиция дастурига оид бўлган муҳим молиявий масалалар ечимлари.

Бизнес-режага асосланган ҳолда, талабгорлар тендер ҳужжатларининг 2-иловасида кўрсатилган шаклларни тўлдиради ва тендер таклифини таркибида тақдим қилади.

37. Бизнес-режа бўйича барча харажатлар, даромадлар, нарх-наво ва тарифлар, бошқа молиявий-иқтисодий кўрсаткичлар ва ҳисоб-китоблар Ўзбекистон Республикаси миллий валютасида (сўмда) ҳисобланади.

38. Тендер таклиф ҳужжатлари (тендер аризаси, бизнес-режа, тўлдирилган тендер шакллар ва бошқа ҳужжатлар) боғланган ҳолда, ҳар бир варағи рақамланган ва қўл кўйилган ҳолда, охириги варақ эса талабгорнинг раҳбари ёки ваколатли шахс имзоси ва корхона муҳр билан тасдиқланган ҳолда, муҳирланган конвертда тақдим қилинади.

39. Конвертда қуйидаги маълумотлар бўлиши керак:

1) Талабгорни тўлиқ юридик номи ва почта манзили (агар талабгор консорциум шаклида иштирок этаётган бўлса, консорциумнинг тўлиқ номи ва етакчи шерикнинг почта манзили);

2) Тендер ташкилотчисининг тўлиқ номи ва почта манзили, яъни: **Ўзбекистон Республикаси экология ва атроф-муҳитни муҳофаза қилиш Давлат қўмитаси. Манзил: 100032, Тошкент шаҳар, Мирзо Улуғбек тумани, Сайрам кучаси, 15-уй.**

3) ДХШ лойиҳасини (тендерни) номи: **«Жиззах вилояти Зомин ва Янгибод туманларида қаттиқ маиший чикиндиларни тўплаш, олиб чиқиш, саралаш ва қайта ишлаш кластер хизматларини давлат-хусусий шериклик битими асосида бошқариш».**

40. Тендер таклиф ҳужжатлари талабгорларнинг раҳбари, таъсисчиси ёки ваколатли шахснинг томонидан тендер ташкилотчисининг қўлига ёки буюртма почта орқали тақдим этилади.

41. Тендер ташкилотчиси тендер ҳужжатларида белгиланган охириги муддатгача тендер таклифларни рўйхатга киритилган ҳолда қабул қилади.

42. Тендер ташкилотчиси:

1) Талабгорлар номидан тендер таклифини тақдим этган ишончли вакилнинг ваколатини ҳужжат билан тасдиқланганлиги текширади;

2) тендер таклифларни белгаланган тартибда расмийлаштирилган конвертларни қабул қилади ва уларни рўйхатга олади;

3) тендер таклифларини тақдим этиш муддати тугагунга қадар тақдим этилган тендер таклифларга ўзгартириш ва қўшимчалар қабул қилади ва рўйхатга олади;

4) тендер таклифларини тақдим этиш муддатидан олдин бекор қилинса, тендер таклифини қайтарилишини таъминлайди.

43. Талабгорнинг тендер таклифи қуйидаги ҳолларда рад этилади:

1) хусусий шерик илгари ушбу тендерда қатнашиш учун таклифни тақдим этган бўлса;

2) тендер таклифнинг ташқари конверти ушбу тендер ҳужжатида белгиланган тартибда расмийлаштирилмаган ва муҳрламаган бўлса;

3) тендер таклифи тақдим этиш охириги муддатидан кечиктирилган ҳолда тақдим қилинган бўлса.

44. Белгиланган охириги муддат тугагандан сўнг тақдим этилган тендер таклифлар руйхатдан ўтказилмайди, очилмайди ва конвертда кўрсатилган талабгорнинг почта манзилига ёки талабгорнинг тегишли ваколатли шахсига қайтариледи.

7. Тендер таклифини таъминот шартлари

45. Тендер таклифини таъминот қўйидаги ҳолатларни олдиндан олиш учун талабгор томонидан кафолат сифатида тақдим этилади:

1) тендер таклифи очилгандан сўнг ўз таклифини бекор қилиш, ўзгартириш ва (ёки) қўшимча қилиш;

2) агар талабгор тендер ғолиби деб аниқланган бўлса, битим тузишдан ва тендерни бошқа муҳим шартларини бажаришдан бош тортиш.

46. Тендерда иштирок этиш учун тендер таклифини таъминоти **30.000.000,00 (ўттиз миллион) сўм** миқдорни ташкил қилади.

47. Талабгор тендер таклифини таъминоти учун қўйидаги таъминот турлари бирдан тендер таклифларини тақдим этиш охириги муддатигача фойдаланади:

1) тендер ташкилотчисининг ҳисоб рақамига ўтказиладиган кафолат тўлови. Бунда тендер иштирокчиси **30.000.000 (ўттиз миллион сўм)** миқдордаги маблағни, тендер ташкилотчисининг (Ўзбекистон Республикаси Молия вазирлиги Ғазначилиги х/р: 2340 2000 3001 0000 1010, Тошкент ш. Марказий банки ИИКМ, МФО 00014, ШХВ: 4001 1086 0262 9470 5610 0144 001, СТИР 200 936 593) ҳисоб рақамига тендер таклифлари очилиши қадар ўтказилиши шарт;

2) тендер ташкилотчининг номига берилган банк кафолати (намунаси **2-иловада**);

3) тендер ташкилотчининг номига берилган суғурта полиси.

48. Талабгор учун учинчи шахснинг тендер таклифи тугагунига қадар амалга оширилган кафолат тўлови учун тўлиқ ёки қисман даъво қилиш ҳуқуқини берувчи ҳаракатларни амалга оширишга йўл қўйилмайди.

49. Тендер ташкилотчисига талабгор томонидан амалга оширилган кафолат тўловидан фойдаланишга йўл қўйилмайди, қўйидаги ҳолатлар бундан мустасно:

1) талабгор тендер таклифини тақдим этиш охириги муддатидан кейин тендер таклифини бекор қилса, қайтарса, ўзгартирса ва (ёки) қўшимча қилса;

2) тендер ғолиби деб топилган хусусий шерик, ДХШни битимини тузишдан бош тортса.

Агар ушбу бандда назарда тутилган ҳолатлардан бири содир бўлса, тендер таклифи учун кафолат миқдори тендер ташкилотчининг даромад сифатида кирим қилинади.

50. Тендер ташкилотчиси талабгорга қўйидаги ҳолатлардан бири юзага келган кундан бошлаб уч иш куни мобайнида унинг томонидан тақдим этилган тендер таклифининг кафолатини қайтаради:

1) тендер таклифларни тақдим этиш охириги муддати тугашидан олдин талабгор хошиши билан ўз таклифини қайтариб олиш;

2) тендер натижалари бўйича тендер комиссиясининг протоколини имзолаш (бу ҳол тендер ғолиби деб аниқланган талабгорга нисбатан қўлланилмайди);

3) битим имзоланиб кучга кириши;

4) талабгорни тендер таклифининг амал қилиш муддати тугаши.

8. Тендер таклифининг амал қилиш муддати

51. Тендер таклифини амал қилиш муддати, шу жумладан тендер таклифининг кафолати, тендер таклифлари очилган кундан бошлаб тўксон календарь кунни ташкил этади.

52. Тендер таклифини амал қилиш муддати тендер таклифини кафолатининг амал қилиш муддатидан ошмаслиги керак.

53. Агар тендер таклифининг амал қилиш муддати тугашидан олдин, давлат шериги ва тендер ғолиби, ДХШ лойиҳаси ва битим шартлари бўйича музокараларни яқунламаган бўлсалар, тендер комиссия қарорига асосан тендер ғолиби ва захирадаги ғолиб ўз таклифларни ва кафолатларни амал қилиш муддатини ўзайтиради, шу жумладан таклифни тaminлайди.

54. Тендер таклифини амал қилиш муддатини ўзайтириш учун ғолиблар тендер ташкилотчисига ёзма равишда хабарнома юборади, унда:

- 1) у томонидан тақдим этилган тендер таклифининг амал қилиш муддатини ўзайтиришга аниқ розилик билдириш;
- 2) тендер таклифининг ўзайтирилган амал қилиш муддати;
- 3) хабарномани имзоланган санаси;
- 4) ғолибларнинг раҳбари ёки ваколатли шахсларини имзолари ва муҳрлари.

9. Тендер таклифларни тақдир этиш охириги муддатигача ўзгартириш ва қайтариб олиш шартлари

55. Талабгор, ушбу тендер ҳужжатида кўрсатилган таклифларни тақдим этиш охириги муддатидан олдин:

- 1) тақдим этилган тендер таклифини ўзгартириш ва (ёки) қўшимча қилиши мумкин;
- 2) таклифнинг кафолатини қайтариш ҳуқуқини йўқотмасдан, таклифини бекор қилиш ёки қайтариб олиши мумкин.

Тендер таклифларни тақдим этиш охириги муддати тугагандан сўнг таклифларга ўзгартиришлар ва (ёки) қўшимчалар киритилмайди.

56. Тендер таклифларнинг ўзгартириш ва қўшимчалари олдинги тендер таклифи қай тарзда расмийлаштирилган бўлса, шундай тайёрланади, муҳрланади ва тақдим этилади. Ташқари конвертда қуйидагилар кўрсатилиши лозим:

1) Талабгорни тўлиқ юридик номи ва почта манзили (агар талабгор консорциум шаклида иштироқ этаётган бўлса, консорциумнинг тўлиқ номи ва етакчи шерикнинг почта манзили);

2) Тендер ташкилотчисининг тўлиқ номи ва почта манзили, яъни: **Ўзбекистон Республикаси экология ва атроф-муҳитни муҳофаза қилиш Давлат қўмитаси, 100032, Тошкент шаҳар, Мирзо Улуғбек туман, Сайрам кучаси, 15-уй.**

3) Тендер номи: **«Жиззах вилояти Зомин ва Янгибод туманларида қаттиқ маиший чиқиндиларни тўплаш, олиб чиқиш, саралаш ва қайта ишлаш кластер хизматларини давлат-хусусий шериклик битими асосида бошқариш»;**

4) «Тендер таклифининг ўзгартиришлари» ёки «Тендер таклифининг қўшимчалари» белгилар.

57. Агар талабгор тендер таклифини қайтариб олишга қарор қилса, тендер таклифини олиш тўғрисидаги имзоланган ва муҳрланган хабарномани тендер ташкилотчисига юборади.

58. Агар талабгор тендер таклифларини тақдим этиш охириги муддатидан олдин тендер таклифини қайтариб олса, тендер ташкилотчиси тендер таклифини кафолатини юқорида

айтилган хабарнома олинган кундан бошлаб беш иш куни мобайнида талабгорга қайтаради.

10. Тендерда иштирок этиш билан боғлиқ чекловлар

59. Потенциал хусусий шерикни тендерда қатнашиш ҳуқуқига эга эмас, агар:

1) ушбу хусусий шерикнинг раҳбарларининг яқин қариндошлари, турмуш ўртоғи ёки қариндошлари ва (ёки) ушбу хусусий шерикнинг ваколатли шахси хусусий шерикни аниқлаш тўғрисида қарор қабул қилиш ҳуқуқига эга ёки тендер комиссияси ва ташкилотчиси аъзоси бўлса;

2) баланс қиймати тегишли асосий воситалар қийматининг ўн фоизидан ортиқ бўлган потенциал хусусий шерикнинг мулки мусодара қилинган бўлса;

3) потенциал хусусий шерик ижро ҳужжатлари бўйича қатта мажбуриятларга эга ва мажбурий ижро ҳужжатларини ижро этиш соҳасидаги ваколатли орган томонидан киритилган бўлса;

4) потенциал хусусий шерикнинг молиявий-ҳўжалик фаолияти қонун ҳужжатларига мувофиқ тўхтатилган бўлса.

60. Потенциал хусусий шерик ва потенциал хусусий шерикнинг боғлиқ шахслари хусусий шерикни аниқлаш учун бир хил тендерда иштирок этишга руҳсат берилмайди.

61. Потенциал хусусий шериклардан ҳеч бири битта тендерда биттадан ортиқ тендер таклифини тақдим этишга ҳақли эмас.

62. Қайта ташкил этилаётган, тугатилаётган ёки банкрот босқичида бўлган, мулки ва банкдаги ҳисоб-рақамлари хатловда бўлган иштирокчиларнинг танловда иштирок этишига йўл қўйилмайди. Қайта ташкил этилаётган, тугатилаётган ёки банкрот босқичида бўлган талабгорлар тендер комиссия томонидан тегишли ташкилотлар ва мутасадди органларга сўровномалар юбориш йўли билан аниқланади.

11. Тендер таклифларини очиш, кўриб чиқиш ва баҳолаш

63. Тендер комиссияси талабгорларнинг тендер таклифларни очилиш маросими белгиланган вақтда қуйидаги жойда ўтказилади: **Ўзбекистон Республикаси экология ва атроф-муҳитни муҳофаза қилиш Давлат қўмитаси, 100032, Тошкент шаҳар, Мирзо Улуғбек тумани, Сайрам кучаси, 15-уй, қўмита мажлислар залида, 2 қават.** Тендер таклифлари солинган конвертлар тендер комиссиянинг оддий кўпчилиги ва йиғилишда қатнашаётган талабгор вакиллари иштирокида очилади.

64. Комиссия қотиби ёки комиссия аъзолари биридан раис томонидан тайинланган шахс тендер таклифлар солинган конвертларни очади ва ичида мавжуд бўлган тендер таклифига оид ҳужжатлар сони ва таркиби тўғрисида хабар қилади.

65. Комиссия барча тендер таклифларни кўриб чиқади. Агар фақат битта тендер таклифи тақдим этилган бўлса, ушбу таклиф тендер ҳужжатлари шартларига мувофиқ комиссия томонидан кўриб чиқилади.

66. Тендер таклифларни очиш тўғрисидаги баён ва руйхат, йиғилишда иштирок этадиган тендер комиссия раиси ва барча аъзолари, шунингдек комиссия қотиби томонидан имзоланади.

67. Тендер таклифларини комиссия йиғилишини ўтказмасдан кўриб чиқишга йўл қўйилмайди.

68. Қабул қилинган тендер таклифлар тендер комиссия қарори билан ташкил қилинган ишчи орган томонидан белгиланган муддат ичида кўриб чиқилади ва тендер ҳужжатларнинг **3-иловасида** берилган мезонлар бўйича баҳоланади. Ишчи орган тендер

ғолибини ва захирадаги ғолибни аниқлайди. Натижада ишчи орган баҳолаш ҳисоботни тайёрлайди ва тендер комиссиясига олдиндан танишиш мақсадида тақдим этади ва кейинги мажлисида ушбу баҳолаш натижалари муҳокама қилинади ва тасдиқланади ёки қайта ишлаб чиқилишга ишчи органга қайтарилади.

69. Тендер иштирокчилари ёки уларнинг ишончли вакиллари тендер таклифларини баҳолашда ҳозир бўлишга ҳақли эмас. Баҳолаш жараёнида тендер комиссияси ёки уни ишчи органи талабгорларни тушунтиришлар бериш, улардан қўшимча маълумотларни сўраб олиш ва тақдим этилган ҳужжатларнинг ишончилигини тасдиқлаш учун чақириш ёки аниқлаш ҳуқуқига эга. Тендер якунларини чиқариш чоғида тендер иштирокчилари ва (ёки) уларнинг ваколатли шахслари иштирок этиши мумкин.

70. Тендер комиссиясининг ҳар бир мажлиси, унда муҳокама қилинган муҳим масалалар ва асосий хулосалар, ҳамда қабул қилинган қарорлар баён орқали расмийлаштирилади. Ушбу баёнлар йиғилишда иштирок этган тендер комиссия барча аъзолари томонидан имзоланади ва раис томонидан тасдиқланади.

71. Тендер комиссияси барча талабгорларнинг тендер таклифларини тендер ҳужжатларнинг талабларига номувофик деб топган тақдирда, тендерни бўлиб ўтмаган деб топади ва такрорий тендерни эълон қилишга ҳақли. Такрорий тендер уни ўтказиш тартиб-таомилида белгиланган тартибда ўтказилади.

72. Тендер комиссияси асосий тендер ва захирадаги ғолиби тўғрисидаги маълумотни давлат шериги ҳамда ваколатли давлат органининг расмий веб-сайтларида эълон қилади.

73. Талабгорларнинг тендерда иштирок этиши муносабати билан қилган ҳаражатларининг ўрни қопланмайди.

12. Тендер ғолиби билан ДХШ тўғрисида битим тузиш

74. Давлат шериги томонидан ишлаб чиқилган ДХШ тўғрисидаги битим лойихаси тендер ҳужжатларнинг **4-иловасида** берилган ва унинг ажралмас қисми ҳисобланади.

75. Тендер ғолиби расман эълон қилинган кундан бошлаб ўн календарь куни муддатида томонлар ўртасида ДХШ тўғрисидаги битим муҳокама қилиниб имзоланиши шарт.

76. Агар тендер ғолиби ўн кунлик муддат тугаганидан кейин ДХШ тўғрисидаги битимни имзоламаса ёки тендер комиссияси томонидан тендер ғолиби тақдим этган маълумотлар ҳақиқатга тўғри келмаслиги аниқланган тақдирда, тендер комиссияси уни дисквалификация қилиш тўғрисида қарор қабул қилади ва тендернинг захирадаги ғолибини ғолиб деб топади ҳамда унга тендер ғолибини дисквалификация қилиш ҳақида қарор қабул қилинган санадан эътиборан ўн календарь кун ичида ДХШ тўғрисида битим тузишни таклиф этади.

77. Тендер комиссияси томонидан тендернинг захирадаги ғолибига ДХШ тўғрисида битим тузиш ҳақидаги таклиф юборилган санадан эътиборан ўттиз календарь куни ичида ундан ижобий жавоб олинмаган ва ДХШ тўғрисида битим имзоламанган тақдирда, тендер комиссияси тендерни бўлиб ўтмаган деб топади ва такрорий тендер эълон қилади.

78. Тендер комиссиясининг тендер ғолиблари бўйича қабул қилинган қарорга нисбатан эътироз билдирган иштирокчи шикоят билан тендер ташкилотчисига сабабларни билиш мақсадида ёзма равишда мурожаат қилиш мумкин.

13. Якунловчи қондалар

79. Агар мазкур тендер ҳужжатларида хусусий шерикни танлашга оид бўлган айрим шартлар ва масалалар акс эттирилмаган бўлса, Қонун ва Низомдаги тартиб ва шартлар қўлланилади.

*ТЕНДЕР ТАКЛИФЛАРИНИ ТАҚДИМ ЭТИШ УЧУН СЎРОВ
ДХШ асосида маший чикиндиларни бошқариш лойиҳаси*

Илова 1 – ДХШ лойиҳасини концепцияси

Илова 2 – Тендер таклифнинг шакиллари

2А - Тендер аризаси

Тендер иштирокчининг (ёки консорциумнинг етакчи корхона)
фирма бланкасида ушбу аризани тақдим қилиш керак

Кимга: *Ўзбекистон Республикаси экология ва атроф муҳитни муҳофаза қилиш Давлат қўмитаси*

Лойиҳа (тендер) номи: *«Жиззах вилояти Зомин ва Янгиобод туманларида қаттиқ маиший чиқиндиларни тўплаш, олиб чиқиш, саралаш ва қайта ишлаш кластер хизматларини давлат-хусусий шериклик битими асосида бошқариш»*

Сана: 2021 йил _____

«Жиззах вилояти Зомин ва Янгиобод туманларида қаттиқ маиший чиқиндиларни тўплаш, олиб чиқиш, саралаш ва қайта ишлаш кластер хизматларини давлат-хусусий шериклик битими асосида бошқариш» лойиҳасининг хусусий шерикни танлаш бўйича танлов ҳужжатларини кўриб чиқиб, _____ (тендер иштирокчининг тулик номи) ушбу тендер аризасига мувофиқ намунавий ДХШ тўғрисидаги битимига кўра хусусий шерик мажбуриятларини бажариш учун таклиф этади.

Ушбу тендер аризаси, тендер таклиф конвертларни очилган кундан бошлаб камида 90 (тўқсон) календар кун давомида амал қилади.

Агар бизнинг тендер аризамиз ғолиб деб эътироф этилса, биз ДХШ битимини тендер ҳужжатлари шартларига мувофиқ шартларсиз ва чекловларсиз амалга ошириш ва имзоланиш ўз зиммамизга оламиз.

Агар биз танлов ғолиби сифатида аниқлансак, тендер ҳужжатларида белгиланган тендер аризасини тақдим этиш муддати тугаганидан кейин биз ўзимизнинг тендер аризамизни қайтариб олмаслигимиз ёки ўзгартирмаслигимиз ва (ёки) тўлдирмаслигимиз кафолати сифатида, ДХШ битимини тузамиз, биз тендер таклифига 30.000.000,00 (ўттиз миллион) сўм миқдорига (тендер ҳужжатларни 48-бандида тақдим этилган кафолат тури кўрсатилган ҳолда) кафолат берамиз.

Ушбу тендер таклифида келтирилган маълумотлар аниқ ва тўғри эканлигини тасдиқлаймиз.

Ушбу тендер таклифида куйидаги ҳужжатлар илова қилинган: _____ (тендер таклифига илова қилинган ҳужжатларнинг тулик руйхати).

Тендер иштирокчини раҳбари ёки ваколатли шахсининг имзоси, тулик исми ва лавозими

Корхона муҳри

**2Б - Таклиф килинган бизнес-режани сифатини аниқлаш юзасидан
МА Ъ Л У М О Т Л А Р**

Ушбу иловада келтирилган маълумотлар тендер золиби билан тузиладиган ДХШ тузрисидаги битимда акс эттирилади ва унинг ажралмас қисми ҳисобланади

1-жадвал

Киритиладиган махсус чиқинди ташувчи техника русуми	Юк ташиш қуввати (тонна)	Сони	Жами юк ташиш қуввати (тонна)*
Жами			

* - Ўзбекистон Республикаси Президентининг 29.09.2020 йилдаги ПҚ-4845-сонли қарорига асосан аҳолини каттиқ машиий чиқиндиларни тўплаш ва олиб чиқиб кетиш буйича хизматлар билан қамраб олишни 100 фоизга етказишligини ҳисобга олиш лозим.

2-жадвал

Киритилиши режалаштириладиган ускуналар	Ўрнатиладиган ҳудуд	Сони	Йиллик қуввати (тонна)
Чиқиндиларни қайта юклаш станцияси (эстакада)*			
Чиқиндиларни саралаш ускуналари			

* - Ўзбекистон Республикаси Президентининг 14.04.2019 йилдаги ПҚ-4291-сонли қарорига асосан қаттиқ машиий чиқиндиларни қайта юклаш станциялари ташкил этиладиган ҳудудлар назарда тутилиши лозим.

3-жадвал

Киритилиши режалаштириладиган инвестиция ҳисобидан олиб келинадиган махсус техника, ускуналар ва бошқа тадбирлар номи	Олиб келинадиган махсус техника ва ускуналар сони	Олиб келинадиган махсус техника ва ускуналар қиймати	Муддати (йили, ойи кўрсатилиши шарт)
Жами			

Тендер иштирокчини раҳбари ёки ваколатли шахсининг имзоси, тўлиқ исми ва лавозими
Корхона муҳри

2В - Тендер таклифларини таъминлаш шакли
Банк кафолати намунаси

Давлат-хусусий шериклик лойиха (тендер) номи: _____

Тендер ташкилотчиси: *Ўзбекистон Республикаси экология ва атроф-муҳитни муҳофаза қилиш Давлат қўмитаси*

Сана: _____

Банк кафолати №: _____

_____ (тендер иштирокчининг тулик номи¹, кейинги ўринларда "Аризачи") томонидан юкорида курсатилган тендерга таклифига биноан Давлат-хусусий шериклик тўғрисидаги битимни тузиш ҳуқуқига эга булиш учун ўз таклифини (кейинги ўринларда "Тендер таклифи") тендер ташкилотчисига тақдим этгани ёки тақдим этишини ҳақида бизга хабар берилган. Бундан ташқари, биз тендер ташкилотчисини шартларига биноан, тендер таклифлар кафолат билан таъминланиш кераклигини тушунамиз.

Аризачи илтимосига биноан, шу билан биз Кафил сифатида тендер ташкилотчисидан аризачи куйидаги шартларни бузганлигини тўғрисида маълумотни ва асосланган талабни қабул қилганимиздан сўнг тендер ташкилотчисига **30.000.000,00 (ўттиз миллион) сўм** микдорни қайтариб булмайдиган тўлаш мажбуриятини оламиз:

- а) Аризачи тендер таклифида курсатилган амал қилиш муддати давомида ёки ундан кейин бўлган Аризачи рози булган ҳар қандай узайтириш муддатида ўз тендер таклифини қайтариб олса; ёки
- б) Тендер таклифнинг амал қилиш муддати давомида Аризачининг тендер таклифи тендер ташкилотчиси томонидан қабул қилинганлиги тўғрисида хабар берилгандан сўнг, Аризачи:
 - i) битим шартномасини имзолашдан бош тортса, ёки ii) Давлат-хусусий шериклик тўғрисидаги битимида талаб этилган 1%-лик банк кафолатини белгиланган муддатда тақдим этмаса.

Ушбу кафолатнинг амал қилиш муддати тугайди: (а) агар биз Аризачи тендер голиби деб аниқланган кейин Аризачи томонидан кул куйилган Давлат-хусусий шериклик тўғрисидаги битимни нухасини олганимиздан сўнг; (б) агар Аризачи тендер ташкилотчи хабарномасига кура тендер голиби деб топилмаган булса; ёки (в) Аризачининг тендер таклифи муддати тугаган булса.

Бинобарин, ушбу кафолат бўйича тўлов юзасидан тендер ташкилотчисининг ҳар қандай талаб бизнинг идорамизни расмий манзилида кафолат амал қилиш муддати давомида олиниши керак.

Банкни ваколатли шахснинг имзоси ва банкни мухри

¹ Агар тендер иштирокчиси консорциум шаклида тендер таклифини тақдим этган булса, унда консорциумни тулик номи курсатилиши керак, яъни банк кафолати тузилган консорциумни барча аъзолари номидан берилиши лозим.

Илова 3 – Танлов мезонлари ва баҳолаш шартлари

3А - Тендер таклифини баҳолаш мезонлари

Мезонлар, талаблар ва баҳолаш шартлари	Вазн ва максимал балл
<p>А) Бизнес-режанинг техникавий таклифини сифати:</p>	
<p>Таклиф қилинган махсус техникалар (2-илова Б-банди 1-жадвал)</p> <p><i>Бунда: махсус техникаларнинг чиқинди ташиш қуввати (тонна) буйича қўлиги максимал балл эгасига айланади, қолган иштирокчилар томонидан таклиф этилган махсус техникаларнинг чиқинди ташиш қуввати максимал баллнинг фоизига нисбатан тақсимлаш орқали белгиланади.</i></p>	15
<p>Таклиф қилинган қаттиқ машиий чиқиндиларни саралаш ускуналари ва қайта юклаш станциялари (эстакада) буйича асослангирилган инвестиция таклифи (2-илова Б-банди 2-жадвал)</p> <p><i>Бунда: ДХШ лойиҳаси ҳудудида ҳосил бўлаётган чиқиндиларни 100 фоизини саралаш имконияти эга бўлган ускуналар таклифига максимал балл берилади. Камроқ таклиф этилган саралаш ускуналар қувватига максимал баллнинг фоизига нисбатан тақсимлаш орқали белгиланади. Агарда Ўзбекистон Республикаси Президентининг 14.04.2019 йилдаги ПҚ-4291-сонли қарорига асосан, мазкур тендер ҳужжатларининг 1-иловасидаги ДХШ лойиҳа концепциясида қайта юклаш станциялари қурилиши назарда тутилган бўлса, талабгорлар томонидан қайта юклаш станцияларини таклиф этилмаган тақдирда, шу мезонни максимал баллнинг 50 фоизига эга бўлади. Таклиф қилинган барча ускуналар Бизнес-режада асослангирилмаган бўлса балл берилмайди.</i></p>	15
<p>Таклиф қилинган Бизнес-режанинг (молиявий иқтисодий модел) туликлиги ва ҳисоб-китобларни асослангиллиги</p> <p><i>Бунда: ДХШ лойиҳаси буйича таклиф қилинган Бизнес-режанинг инвестиция, техникавий ва молиявий кўрсаткичларни тўғри ва асосланган тарзда ҳисобланганлиги, барча таклиф қилинган ускуналар буйича молиялаштириш манбаларини аниқланганлиги ҳамда молиявий-иқтисодий моделда ва хизмат тарифини белгилашда инобатга олинганлиги баҳоланади. Баҳолаш натижасида “Намунали” деб топилган Бизнес-режага максимал балл, “Қониқарли” деб топилган Бизнес-режага максимал баллнинг 50 фоиз миқдорида балл берилади. “Қониқарсиз” деб топилган Бизнес-режа учун балл берилмайди.</i></p>	15
<p>Б) Бизнес-режанинг молиявий таклифини сифати:</p>	
<p>Таклиф қилинган инвестицияларни амалга ошириш даври (2-илова Б-банди 3-жадвал)</p>	20

Мезонлар, талаблар ва баҳолаш шартлари	Вазн ва максимал балл
<p><i>Бунда: Киририлаётган инвестиция иштирокчилар томонидан таклиф этилаётган муддат ҳисобга олинади ва энг қисқа муддатда киритилиши таклифини берган иштирокчи максимал балл эгасига айланади. қолган иштирокчилар томонидан таклиф этилган максимал баллнинг иштирокчилар сонига нисбатан тақсимлаш орқали белгиланади.</i></p> <p>Таклиф қилинган ҳамда иқтисодий-техник асослантилган инвестиция миқдори (2-илова Б-банди 3-жадвал)</p> <p><i>Бунда: иштирокчи томонидан бошқа иштирокчиларга нисбатан ортиқроқ киритилаётган инвестиция миқдорига нисбатан баҳоланади. Қолган иштирокчилар томонидан таклиф этилган инвестиция миқдори максимал баллнинг фоизига нисбатан тақсимлаш орқали белгиланади.</i></p> <p>Эслатма: <i>Тендер таклифида киритилаётган инвестиция миқдори аҳолини хизмат кўрсатиши билан тўлиқ қамраб олиш учун етарли бўлмаган ва инвестиция миқдори иқтисодий-техник асослантилмаган тақдирда ушбу мезон буйича балл берилмайди.</i></p> <p>Аҳоли учун хизмат кўрсатиш тарифи (Бизнес-режа буйича)</p> <p>Тендер иштирокчиси томонидан маъший чиқиндиларни тўплаш ва олиб чиқиш хизмат кўрсатиш буйича бир кишига ҳисобланган энг паст тариф миқдорини белгиланган тартибда ҳисоб-китоб қилинганлиги ва иқтисодий-техник назардан асослантилганлиги</p> <p>Изоҳ: <i>Таклиф этилаётган бир кишига тариф миқдори амалдаги тариф миқдоридан паст бўлиши ҳамда амалдаги тарифнинг 1,3 бараваридан ортиқ бўлиши мумкин эмас.</i></p> <p>Эслатма: <i>Тендер таклифида хизмат кўрсатиш тарифи иқтисодий-техник назардан асослантилмаган тақдирда хизмат кўрсатиш тарифи учун балл берилмайди.</i></p>	<p>20</p> <p>15</p>
ЖАМИ	100

ДИҚҚАТ:

Бир босқичли тендерда талабгорнинг дастлабки малака баҳолашда тўплаган баллар тендер таклифини баҳолашда тўплаган балларига қўшилади.

Икки босқичли тендерда дастлабки малака босқичидан муваффақиятли ўтган талабгорлар учун, умумий балл қуйидаги формула буйича ҳисобланади:

$$\text{Умумий балл} = \text{Тўплаган дастлабки малакани баҳолаш баллари} \times 50\% + \text{Тўплаган тендер таклифини баҳолаш баллари} \times 50\%$$